

Nukissiorfiit
2021-mut
ukiumoortumik
nalunaarummut
Kukkunersiuisut
oqaaseqaataat

Imarisai

1.	Ukiumoortumik naatsorsuutit kukkundersiukkat	3
2.	Kukkundersiuinermut ingerlan-neqartumut inerniliusaaq	4
3.	Aningaasaqarnermik kukkundersiueq	5
4.	Inatsisit atuutsinneqarne-rannik aamma ingerlatsiner-mik kukkundersiueq	13
5.	Ingerlatsinermik kukkuner-siueq	18
6.	Ingerlatsinermik kukkuner-siunerit anginerusut	22
7.	Paasissutissat allat	23
8.	Atsiornerit	24

1. Ukiumoortumik naatsorsuutit kukkунersiuukkat

Aqutsisut saqqummiuppaat ukiumut naatsorsuuseriviusumut 2021, suliffeqarfiup namminersortitap ukiumoortumik nalunaarutai.

Ukiumoortumik nalunaarutip imarai immikkoortoq aqutsisut nalunaarutaannik aamma immikkoortoq ukiumoortumik naatsorsuutininik imalik.

Deloitte Namminersorlutik Oqartussanut avataanit kukkунersiuusutut toqqakkatut atuuffini naapertorlugu ukiumoortumik naatsorsuutit inatsisit, malittarisassat ileqqussallu atuuttut naapertorlugit kukkунersiuinermik ingerlatsivoq.

Ukiumoortumik naatsorsuutit – kukkунersiuukkat – kisitsisinik pingaarnernik imaattunik ersersitsipput.

	2021 t.kr.	2020 t.kr.
Angusat	-138.250	-152.875
Pigisat	3.166.952	3.300.003
Nammineq aningaasaatit	1.464.238	1.602.488

- assigaa amigartoorutit

Kukkунersiuinerup siunertaa, annertussusia aamma ingerlanneqarnera, kukkунersuisup nalunaarutiginninnera kiisalu akisussaaffiit agguataarneqarnerat il.il. Deloittepe najoqqutassiaani "Nalinginnaasumik atugassarititaasut aamma piumasaqaatit" allassimapput.

Uagut isumaqatigiissutitut allatarput taakkununga linkinik imaqarpoq, aamma innersuussutigissavarput aqutsisunut ilaasortat tamarmik kukkунersiuinerup siunertaanik, annertussusianik aamma ingerlanneqarneranik, kukkунersuisup nalunaarutiginninneranik kiisalu akisussaaffiit agguataarsimanerannik il.il. ilisimasaqaleqqullugit.

2. Kukkuñersiuinermut ingerlanneqartumut inerniliusseq

2.1. Kukkuñersiuisup uppernarsaanera

Kukkuñersiuineq ingerlanneqartoq tunuliaqutaralugu ukiumoortumik naatsorsuutit nangaassuteqarata, erseqqissaateqarata imaluunniit isorinninnermik oqaaseqaatinik ilanngussaqaarata uppernarsaaserpavut.

Kukkuñersiuisut uppernarsaanerat ukiumoortumik nalunaarummi quppernemi 11-imiippoq.

2.2. Kukkuñersiuisut oqaaseqaataat

Kukkuñersiuisutut oqaaseqaammik saqqummiussisarpugut pissutsit ima pingaaruteqartigippata aamma/imaluunniit ima tunngavissaqartigippata, ingerlatsisut pissutsinik passussinerat politikikkut aalajangiiffigineqartariaqarnera naapertuuttutut isigigaangatsigu.

Taamaattumik Kukkuñersiuisut oqaaseqaataat ingerlatsisunit immikkoortillugit akineqarnissaat naatsorsuutigineqartarpoq, oqaaseqaat soorluttaaq ingerlatsisut akisussuteqaataat aamma iliuusissatut pilersaarut politikikkut akuerineqartussatut kingorna saqqummiunneqassallutik.

Ukiumoortumik kukkuñersiuinermi malittarineqartarpoq ingerlatsisut iliuusissatut pilersaarutaat pissutsimut iluarsinersoq imaluunniit pissutsip ikiorserneqarnissaanut sulii ukkassisoqarnissaanik pisariaqartitsisoqarnerisooq nakkutilliffigiumallugu.

2.2.1. Ukiumoortumik kukkuñersiuinermi Kukkuñersiuisut oqaaseqaataat

Ukiumoortumik kukkuñersiuineq Kukkuñersiuisut oqaaseqaateqarnissaannut tunngavissiiingilaq, taamaallaat immikkoortuni tulliuttuni innersuussutinik ataasiakkaanik saqqummiussisoqarpoq.

2.2.2. Ukiut siuliini Kukkuñersiuisut oqaaseqaataannik malitseqartitsineq

Ukiut siuliini kukkuñersiuisut oqaaseqaatinik saqqummiussinngillat.

3. Aningaasaqarnermik kukkundersiueq

Aningaasaqarnermik kukkundersiuerup imaraa Nukissiorfiit ukiumoortumik naatsorsuutaasa sutigut tamatigut eqqortumik saqqummiunneqarnerannik kukkundersiueq, imaappoq Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22. december 2017 naapertorlugu naatsorsuutit kukkurnik amigaatinillu pingaarutilinnik imaqaratik suliarineqartut.

3.1. Aallaqqaasiut

Kukkundersiueq ingerlanneqarpoq nunatsinni kukkundersiuisoqarneq pillugu inatsit kiisalu nunani tamalaani aningaasaqarnermik kukkundersiuermi malitassat naapertorlugit.

Suliffeqarfiup ukiumoortumik naatsorsuutai suliarineqarput Namminersorlutik Oqartussat suliffeqarfiutaasa nammineertitat naatsorsuusiortarnerat pillugu Namminersorlutik Oqartussat nalunaarutaat nr. 24, 22 december 2017 naapertorlugu.

Nalunaarummi aalajangersarneqarpoq, ukiumoortumik nalunaarut saqqummiunneqassasoq Kalaallit Nunaanni ukiumoortumik nalunaarusiortarneq pillugu peqqussut qaqugukkulluunniit atuuttoq naapertorlugu, suliffeqarfik Namminersorlutik Oqartussat pigisaattut inuiaqatigiinnik eqqarsaatiginnilluni ingerlanneqarnerata kingunerisaanik nikingassutinut ilanngunneqassapput taakkununga aaqqiissutaasut immikkut inatsisit ilanngullugit.

Ukiumoortumik naatsorsuutitut inatsimmit aalajangersakkanit nikingassutit, ukiumoortumik naatsorsuutit naatsorsuuserineri periseq atorneqartoq pillugu immikkoortumi allaaserineqarput.

3.2. Nammineq nakkutilliineq

Kukkundersiueri ilanngunneqarput suliffeqarfiup nalunaarutiginninnermik aaqqiissuussai, suleriaatsit atugai aamma nammineq nakkutilliinerata illersorneqarsinnaasumik atuuffeqarnerannik naliliinerit.

Tassunga siunertaavoq naatsorsuutit saqqummiussinermit tunngavissat naatsorsuuserineri eqqortumik nalunaarsorneqarsimanerannik, uppernassuseqarnerannik piffissarlu eqqorlugu suliarineqarsimanerisa nakkutilliiffiqineqarnerat.

Aammattaaq suliffeqarfimmi suleriaatsit aamma nammineq nakkutilliinerit sukumiinerusut nuussinernut aamma naatsorsuutini inissitsikkanut immikkut pingaarutilinnut atorneqartut naliliiffigaavut.

3.2.1. Suleriaatsit allaaserineqarnerat aamma nammineq nakkutilliinerit

Suleriaatsit pingarnerit allaaserineqarsimapput. Taakkua misilerarnerannik ingerlatsivugut aamma uagut oqaaseqaativut aningaasaqarnermik suliaqartunut ingerlateqqippagut, ilanngullugit nutarterinerit, pitsanngorsaait aamma aserfallatsaaliineq ingerlaavartumik periuserineqartartuusut.

Kukkunersiuiuitsinni paasivarput nakkutilliinerit tamavimmik ingerlanneqarneq ajortut. Pingaartumik sulisunik taarsiisoqartillugu aamma sulisut nutaat nakkutilliinernik ingerlatsinissaat pillugit ilisimatinneqarneq ajorput. Innersuussutigissavarput nakkutilliinerit sorliit ingerlanneqartarnissaat pillugu nalunaarsukkamik suliaqartoqaqqullugu. Tassunga ilanngullugu qaammatit kvartalillu tamaasa, ukiup affaa qaangiukkaangat imaluunniit naatsorsuutit naammassineqarneranni nakkutilliisoqartassanersoq nalunaarsorneqaqqullugu.

3.2.2. Aqutsisut nakkutilliinernik tunulliusserannut aarlerinaat

Aqutsisut nakkutilliinernik tunulliusserat kukkunersiuisut najoqqaat 240 naapertorlugu tamatigit aarlerinaataavoq pingaarutilik.

Kukkunersiuisutut iliuitsinik ingerlatsivugut aqutsisut nakkutilliinernik tunulliusserinnaanerannut ersiutaasinnaasut suussusersiniarlugit. Immikkoortumi matumani iliuserisat aamma suliaasaqarfiit pingaartillugit misissorsimasavut allaaseraavut.

Aqutsisut nalinginnaasumik ima atorfeqartinneqartarput taakkununga peqquserluutinik ingerlatsinnaaneq periarfissaalluni, aqutsisut naatsorsuutitut atortussanik uukapaatitsinnaagamik nakkutilliinernik tunulliusserinnikkut, taakkuninnga pitsaasumik ingerlasorinaraluartunik.

Aqutsisoqatigiinnik allanillu tamanna pillugu oqaluuserinnippugut. Naatsorsuutitik naliliinerni missiliuussinernilu kiffaanngissuseqarnerup amigaataasinnaanera eqqarsaatersuutigaarput, ilanngullugu naatsorsuutitik missiliuussinernik pingaarutilinnik misissuivugut, assersuutigalugu sanaartukkatut pigisat nalingannik inissiinerit misilinneqarnerannik, sulinngiffeqarnerisuiutissatut pisussaaffiit naat-sorsorneqarnerat, eqqartuussivinni suliaasat kingunerisinnaasaannik suliaqarneq aamma aningaa-sartuutit piffissalersugaanerat.

Ukiuortumik naatsorsuutit naammassineqarnerannut- aamma nalunaarutiginninnermut periutsit nammineq nakkutilliiffiqarneqarnerat naliliiffigaavut. Taakkua saniatigit inissitsikkat aamma nuussinerit annertuut nalinginnaanngitsut misilerarpavut.

Aarlerinaatinik naaperiaaniarluta ullup oqimaaqatigiissitsiffiup aamma naatsorsuutit naammassineqarfissaasa nalaanni inissitsikkat misilinneqarnerannik ingerlatsivugut, misilittakkanit ilisimagatsigu, nakkutilliinernik tunulliusserinnissaanut aarlerinaatit piffissami tassani ilimanaateqarneru-sartut.

Nuussinernik annertuunik nalinginnaangitsunik paasisaqanngilagut.

Aqutsisut nakkutilliinernik tunulliuussinerannit ukiumoortumik nalunaarummi kukkunernik amigaa-tinillu suussusersisaqanngilagut.

3.2.3. Peqquserluttoqarsinnaaneranut aarlerinaatit

Uagut kukkunersiuinitsinnik pilersaarusionermut atasumik suliffeqarfimmi aqutsisunut apeqqutigaarput, taakkua peqquserluttoqarsinnaaneranut aarlerinaatit pillugit naliliinerat.

Aqutsisut uagutsinnut ilisimatitsipput, aqutsisut naliliinerat naapertorlugu peqquserluuteqarnissamut aarlerinaatit annertuallaanngitsut, aamma suliffeqarfimmi nakkutilliinermik suliassaqarfik pitsaasuusoq, ukiumoortumik naatsorsuutini annertuumik kukkusumik paasisutissiinissamut aarlerinaammik qulaarsisinnaallutik, tassunga ilanngullugit naatsorsuutini uukapaatitsinerup imaluunniit suliffeqarfiup pigisaanik atornerluinerup kinguneranik paasisutissanik kukkusunik qulaarsisinnaapput.

Aqutsisut ilisimatitsipput, suliffeqarfik upernaakkut 2021 akiligassatut peqquserluutinik aqqusaagaqarsimasooq (avataanit akiligassatut nassiussat ilumuunngitsut), taakkua unitsinneqannginnerminni suliffeqarfimmut 500.000 kr.-it missaannik naleqarput.

Aqutsisut peqquserluutinik ilisimasaqanngillat imaluunniit peqquserluttoqarsimasinnaanera pillugu misissuinerik ingerlasoqarneranik ilisimasaqanngillat.

Oqaatigissavarput, kukkunersiuinitta nalaani peqquserluttoqarsimanera pissutigalugu ukiumoortu-mik naatsorsuutini kukkunernik naammattuugaqannginnatta.

3.2.4. Nammineq nakkutilliinermik naliliineq

Naliliinerput naapertorlugu suliffeqarfimmi nammineq nakkutilliineq nammineerluni nakkutilliinernik pitsaasunik ingerlatsinermut iluaqutaasooq pigineqarpoq aamma paasisutissanik naatsorsuuserinermut tunngassuteqartunik passussinermik uppernassusilimmik ingerlatsisinnaanermut.

3.3. IT-mik isumannaallisaaneq nalinginnaasooq

IT-mik nakkutilliinerit nalinginnaasut tassaapput nakkutilliissutit aqutsisunit pilersinneqarsimasut suliffeqarfimmi IT atorlugu sulianik ingerlatsivinni pingaarnerusuni atorneqartut, IT-mik atugaqarneq pitsaasumik nakkutigineqartoq isumannaatsorlu siunertaasinnaaqullugu, aamma taamaattumik suleriaatsit IT-mik tunngaveqartut paasisutissartaasa uppernassuseqarnerannut tapertaasut.

Nukissiorfiit kukkunersiorneqarnerannut atasumik IT-mik nakkutilliissutit nalinginnaasut toqqakkat ilusilersorneqarnerat aamma atuutsinneqarnerat naliliiffigaarput, taakkua ukiumoortumik nalunaarummik saqqummiussinermut naapertuuttut nalilikkavut, kukkunernik pingaarutilinnik eqqortumilli aamma inatsisitigut piunasaqaataasut naapertorlugit saqqummiussinissamut naammassinnittut. Nakkutilliissutit nakkutilliinermik ingerlatsinerisa pitsaassusiat misileranngilarput.

Kukkunersiuinerup ataatsimoortup ilaatigut tunngavigisarpaa suliffeqarfimmi nammineq nakkutilliinerit naapertuuttut atugaasut, ilanngullugit assaannarmik nakkutilliinerit aamma atuisunut aqutsissutit suliffeqarfimmi atorneqartut nammineq isumagisumik nakkutilliinerisa nakkutilliiffiqe-qarnerat.

IT-mik nakkutilliissutit nalinginnaasut misissorneqarneranni atuisunut aaqjissuussani ataasiakkaani nakkutilliinerup- aamma isumannaallisaanerup pitsaassusiat nalilerneqanngillat, tassunga ilanngullugit allaffissornermik ingerlatsinermi ingerlatseriaatsini aamma atuisunut aaqjissuussani ingerlatsinermik sulianik suliaqarsinnaanermut isissutinik nammineq isumagisumik nakkutilliissutit. Aammattaaq oqaatigineqassaaq nakkutilliissutit pitsaassusiannik uppersaanissamik siunertaqarluni kukkuneruinermik ingerlatsisoqanngimmat.

Uagut misissuinerput tunngavigalugu naliliivugut Nukissiorfinni IT-mik nakkutilliissutit nalinginnaasut toqqakkat sutigut tamatigut naapertuuttumik ilusilersorneqarsimasut atuutsinneqartullu.

Innersuussut:

IT-mik naakutilliissutit nalinginnaasut pitsanngorsarneqarnissaannut tulluuttunik innersuussutissaqarpugut:

Innersuussutigaarput Nukissiorfiit Xellent-imik misissuilluni suliaminik nangitsissasoq, aaqjissuussap ilusilersorneqarnera atuuffinnik immikkoortitsinermik toqqjissimanartumik periarfissamat tapertaansoq erseqqissaqqullugu. Xellent-imi allannguutaasinnaasunik saqqummiussisoqas-sappat atuuffinnik/pisinnaatitsissutinik inuttalersuinermut allannguutissanik kinguneqarsinnaa-sunik, misissuineq taanna aammaaqittariaqarpoq.

Aammattaaq innersuussutigaarput qulaani misissuineq aallaavigalugu atuuffit/pisinnaatitsissutit assigiinngitsut suut atuuffimmik immikkoortitsinissamat aaqjiagiinngissutitaqarsinnaasut nalunaarsorneqaaqqullugit, aamma taamaattumik atuuffinnik/pisinnaatitsissutinik taakkuninnga tunineqartussaannngitsut nalunaarsorneqarneranik suliaqartoqaqqullugu - atuuffinnik/pisinnaatitsissutinik immikkut akuersissummik tunniussisoqanngippat aamma taamaattumik nakkutilliinermik tapiliussamik ingerlatsisoqarluni (assersuutigalugu isissummik atorluni iserneq aamma nakkutilliineq).

Paasivarput Xellent-imi aamma Lessor-imi atuisut aamma atuisut isersinnaanerat aaqjissuus-saasumik piffissakkuutaartumillu nalileqqinneqarneq ajortut. Pisinnaatitsissutitut tunniussanik piffissakkuutaartumik nalileeqqittarnerup amigaataasup imaluunniit naammangitsup aarlerinaatigaa, atuisut pisinnaatitsissutaasa piffissamat naleqqukkunnaanerat aamma taakkua suliaannut piunasaqaatinik naammassinninnaannginnerat. Taamaattumik innersuussutigaarput aaqjissuussanut sulianillu ingerlatsivinnut piffissakkuutaartumik uppersaakkamillu nalileeqqinnermik ingerlatsisoqartassasoq.

Aaqjissuussanut sulianillu ingerlatsivinnut tamanut atuisunik akuersissuteqartarnermik periuseq pitsanngorsarneqartariaqarpoq, taamaaliornikkut atuisunik pilersitsineq aamma pisinnaatitsissutinik agguassineq pisortatigoortunngoqqullugit.

3.4. Aningaasaqarnermik kukkuneruinermit immikkoortut pingaarutillit

Kukkuneruinermut atasumik immikkoortut pingaarutillit tulluuttut pillugit suliffeqarfimmik oqaloqatiginnippugut:

3.4.1. Sanaartukkat nalingannik inissiineq

Naatsorsuutit pillugit malittarisassat naapertorlugit sanaartukkatut pigisat nalingannik nalikilliliisoqassaaq ima kinguneqartumik, nalikilliliinerit kingorna nali sinneruttoq isertitat ilaanni pilersinneqarsinnaasalluni.

2021-mi nalikilliliinermit misiliutip ersersippaa ilanngaattissat ilaatigereerlugit 157,3 mio.kr.-inik aaqqiisoqartariaqartoq.

Taakkua nassataannik pigiunnaakkaat nalikilliliinerillu naleqarput 292,6 mio. kr.

Pigiunnaakkat siusinnerusukkat nalikilliliinerit eqqarsaatiginagit ingerlanneqarsimappata, taava 221,1 mio. kr.-inik naleqarsimassagaluarpot.

Taamaalilluni ukiumi naatsorsuuseriffiusumi pigiunnaakkat nalikilliliinerillu "nalinginnaasumik nalikilliliisarnernit" 70 mio. kr.-inik qaangiipput.

3.4.1.1. Naatsorsueriaaseq

Nalikilliliinissamut pisariaqartitsinermik naatsorsueriaaseq inoqarfinnit inoqarfinnut suliarineqarpoq innaallagiaq, imeq aamma kiassarneq eqqarsaatigalugit.

Inoqarfimmit inoqarfinnut naatsorsueriaaseq atorlugu naatsorsuisoqartarpoq sanaartukkatut pigisat najukkami uninngasut pineqarnerat pissutigalugu.

Naatsorsuineq ingerlanneqartarpoq piffissaq ukiunut pingasunut kingumoortillugu pigisamut ataatsimut aningaasartuutitut naatsorsorneqarsimasut pigisamik ataatsimik tunisinermi akினut pisariunngitsumik sanilliunneqarnerisigut.

Taamaaliornermit pigiunnaakkat tunisinermi akினit matussutissaqarpata, nalikilliliinernik ingerlatsisoqartanngilaq. Pigiunnaakkat tunisinermi akினit matussuserneqarsinnaanngippata, sanaartukkatut pigisaaq nalikilliliiffiqineqassaaq imaalillugu, tunisinermi aki matussuserneqarsinnaanngitsup procentinngornera atorlugu.

Naatsorsueriaaseq ukiumoortumik naatsorsuutini immikkoortumi naatsorsuuserinermi periuseq atorneqartup ataani allaaserineqarpoq.

Nalikilliliinissamut pisariaqartitsineq aallaaviatigut naatsorsorneqassaaq; siunissami aningaasat kaaviiartitat maannakkumut kaaviiartitat nalingattut naleqartillugit - sanaartukkatigut pigisat sinneruttumik nalingannut sanilliullugit naatsorsorneqassapput. Naatsorsueriaaseq taanna atorlugu suliffeqarfimmi namminermi erniatut atuuttoq naatsorsuutininut ilanngunneqassaaq – erniaq taanna amerlasuutigut avataani aningaasaateqarfiit ernialiuttagaannut assingusarpoq.

Periaatsip Nukissiorfinnit atorneqartup allaanerussutigaa, nalikilliliinissamut pisariaqartitsineq naatsorsorneqartarmat isertitat aamma aningaasartuutit katinnerat pinnagit, assigiimmik akeqartitsineq aallaaveqartarmat.

Periaatsip ilanngullugu allaanerussutigaa, aningaasat nalikilliarturnerat/erniat ilanngunneqartannginnerat.

Periaatsikkut akigititanik ingerlaavartumik qaffaasoqarsinnaanera periarfissaqartinneqarpoq, taamaaliornermi minnerpaamik aningaasat nalikilliarernerat minnerpaaffiussalluni. Periarfissaq taanna atorineqanngippat, taava nalikilliliinissamut periarfissaq – qanorluunniit naatsorsukkanit tamatigut qaffasinnerussaaq.

Innersuussut

Innersuussutigaarput 2022-mi naatsorsuinertut periarfissamik allamik ingerlatsisoqaqqullugu, aningaasanik kaaviiartitanik tunngaveqartumik, periaatsip taamaattup periaatsimit atorineqartumit assingusumik nalikilliliinermik pisariaqartitsineq pillugu inerneqassanersoq paasinialugulu misilinneqarsinnaaqqullugu.

Aammattaaq malugineqarpoq nalikilliliinerit taamaallaat illuutinik aamma pilersuineramik atortunik, ruujorit ilanngullugit tunngaveqartumik suliarineqarnerat, pigisat taakkua sanaartukkatut pigisanit amerlanerpaajummata.

3.4.1.2. Sanaartukkat suliarineqartut

Sanaartukkat suliarineqartut ulloq 31.12.2021, 65 mio.kr.-it missaannik naleqarput.

Sanaartukkat suliarineqartut nalikilliliineq sioqqullugu 107 mio.kr.-nik naleqartutut naatsorsorneqarput,

Sanaartukkat taakkua ilaat najugaqarfinni pilersinneqassapput taakkunani nalikilliliinissamut pisariaqartitsinermik misiliinermut aatsaat ilanngunneqassalluni sanaartukkat atorineqalerpata.

Taamaattumik 2021 aallarnerfigalugu nalikilliliinerit ingerlanneqartalerput sanaartukkat naammassineqarsimasut nalikillinissaattut naatsorsuutigisaasumut assingusumik. Nalikilliliinerit taakkua 2021-mi 42 mio.kr.-it missaannik naleqarput.

3.4.1.3. Aserfallatsaaliinermi kinguaattoorutit

2021-mi Nukissiorfiit aserfallatsaaliineq aamma aningaasaliissuteqaqqinneq pillugit ajornartorsiummik saqqummiussipput.

Aserfallatsaaliinermi kinguaattoorutit 2,4 mia.kr.-it missaannik naleqarput. Nukissiorfiit naliliipput kinguaattoorutit taakkua ukiut 10 missaasa iluanni aqqinneqartariaqartut.

Saniatigut ingerlaavartumik aningaasaliissuteqaqqittarnerit qaffanneqartariaqarput.

Deloitte taanna pillugu ingerlatsinermik kukkunersuineramik suliaqarpoq taannalu matumani innersuussutigineqarpoq.

3.4.2. Kaaviiartitat

Innaallagissamik, imermik kiassarnermillu tunisaqarnermit isertitat Kamstrup-systemet aqqutigalugu atuaanermi digitaliusumik tunngaveqarput.

Taamak aaqqissuussinikkut uuttuutit piffissaq eqqorlugu aallartinneqarnerat unitsinneqarnerallu tunngavigineqarpoq – uuttuutillu aallartinneqartut paasissutissanik uppernassusilinnik "katersiffinnut" nassiuissuisarput, tassannga paasissutissat Kamstrup-systemimut ingerlateqqinneqarlutik.

Ingerlatseriaatsimi tassani nakkutilliissutit arlallit ilaapput uuttuutinit paasissutissat takkutinnitsoortillugit kingusinnerusukkut ingerlatsiteqqissinnaanermut paasissutissanik katersisartut, aamma/ima-luunniit nalinginnaasumik atuinermit nikingassutinik nalunaarsuisinnaasut.

Suliniut "revenue-leak" ("isertitassaagaluit kuuffiat") aallartinneqarnikuvoq, tassunga siunertaavoq paasissutissat pitsaassusiannik qaffassaanissaq aamma taamaattumik isertitassanut akiligassiinissamut tunngavissaqarnissaq.

Suliffeqarfimmi suli aaqqissuussamik pilersitsisoqarsimanngilaq inoqarfinni tamani nungujartornerup/ledninginik annaasaqarnerup naatsorsorneqarneranut atugassamik, naatsorsueriaatsimi taamaattumi pilersinneqartut annertussusiat aningaasaliissutinit atukkanut sanilliunneqartassagaluarpot.

Taamannak naatsorsuinikkut pilersinneqartut aamma pilersinneqartut akiligassartaasa annertussusiisa akornanni ataqatigiinnerit pitsanngorsarnerannik tunngavissatut uppernarsaatissaannut ilua-qusiisoqassaaq. Saniatigut isertitassatut pissat tamarmik akileqquneqarnerannik nakkutilliinermut aamma piffissami naatsorsuuseriffimmi eqqortumi naatsorsuuserinermik ingerlatsiffigineqarnerannut pitsanngorsaataassapput.

Innersuussutit

Innersuussutigissavarput tunisassiat annertussusiannut paasissutissanut tunngavissaq pisariaqartoq pigineqaleqqullugu naatsorsuuseriaatsimik suliaqarneq sukateriffigineqassasoq, taamaaliornikkut siunissami periarfissaalissaaq nungujartorneq/ledninginik annaasaqarneq assigiissarnerusumik nalunaarsorneqarsinnaanerat.

3.4.2.1. Uuttuutit kaaviiartitaasa piffissalersugaanerat

Nukissiorfiit nalunaarsuina naapertorlugu uuttuutit amerlanerpaat decemberimi atukkanut tunngatillugu aatsaat ulloq 3/1 2021 nammineq isumagisumik atuarneqarput. Tamatuma nassataanik 2021-mi januaarimi atukkat ilaat 2020-mi akiligassiissutigineqarput.

Aningaasat qanoq amerlatiginersut eqqoqqissaartumik naatsorsorneqarsinnaanngillat, tassa taakkua kukkusumik piffissalersugaapput, kisianni ullut pingasut missaanni kaaviiartitaq ilimagineqarpat, taava kukkuneq 2,5 aamma 7,5 mio.kr.-it missaanniissangatinneqarpoq, aningaasat taakkua tassaassapput 2021-mi qaffasippallaamik kaaviiartitatut naatsorsuuseriffigineqartut.

3.5. Aqutsisut naatsorsuutininik uppersaarnat aamma ukiumoortumik naatsorsuutini kukkunerit iluarsineqanngitsut

Kukkunersiuineq pillugu nunani tamalaani malitassat naapertorlugit pissutsit ukiumoortumik nalunaarummi iluarsineqarsimanngitsut suussusersisavut ilisimatitsissutigissavagut.

2021-mi naatsorsuutininik saqqummiussinnermut atasumik pissutsinik pingaarutilinnik ukiumoortumik nalunaarummut ilanngunneqarsimasariaqaraluartumik paasisaqanngilagut.

Suliassaqaarfinnik kukkunersioruminaatsunik kukkunersiuinnermut atasumik ukiumoortumik naatsorsuuseriffiusumut 2021 pisortaqaatigiit naatsorsuutininik uppersaammik uagutsinnut tunniussipput.

3.6. Sillimmasersimanermit tunngasut

Uagut kukkunersiuinitsinni suliffeqarfiup sillimmasersimaneranut tunngasut ilanngunneqanngillat.

Ilisimavarput Nukissiorfiit Namminersorlutik Oqartussat nammineq sillimmasersimanermit aqqis-suussaata iluani ilaatinneqartoq.

Innersuussutigissavarput, suliffeqarfiup minnerpaamik ukiumut ataasiarluni sillimmasersimanerup katinera sillimmasiisarfik imaluunniit isumaqatigiinniartartoq peqatigalugu nakkutilliffigisaqqullugu sillimaasiinerit il.il. naliliiffigisinnaajumallugit, tassunga ilanngullugu sillimmasiinerit naammattuunerat aamma suliassaqaarfiit immikkut ittut pillugit suliffeqarfiup sillimmasiinissaminut amigaaqarsinnaanera nakkutilliffigisinnaaqqullugu.

Naatsorsuutininik naammassinninnermut atasumik ulluinnarni aqutsisunit uppersaqaarput, suliffeqarfimmut pissutsit atuuttut eqqarsaatigalugit suliffeqarfiup aserorneqarsinnaaneranut matussusiinnaasut missiliussineq naapertorlugu sillimasiinerup pilersinneqarsimanera.

4. Inatsisit atuutsinneqarne- rannik aamma ingerlatsiner- mik kukkundersiueq

Inatsisit atuutsinneqarnerannik kukkundersiuermi inatsit, malittarisassat aamma nalinginnaasumik ileqqut malinneqarnerat misilerarneqartarpoq.

Pisortat kukkundersiorneqartarneranni malittarisassat (SOR) naapertorlugit pisussaaffinnik kukkundersiueq ingerlanneqarsinnaavoq kukkundersiorneqartussat kaaviiartumik pilersaaruserineqarnerat naapertorlugu, taamaaliornikkut kukkundersiorneqartussatut pisussaaffittallit ukiut 5 qangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkundersiorneqartartussatut kaaviiartussanut pilersaarummik tulliuuttumik suliaqarpugut:

SOR 6 – Inatsisit atuutsinneqarnerannik kukkundersiueq (pisussaaffik)	Kingullermik misilerarneqarpoq
Neqerooruteqartitsinermi malittarisassanik aamma pisiniartarnermi politikkinik malittarinneq – pisiniartarnermik pilersaarusernermi	2021
Atorfinititsinermi inatsisinik aamma isumaqatigiissutit pillugit malittarisassanik eqquutsitsineq	2021
Tunisaqarnernik ingerlatsinerni malittarisassatut tunngavissamik eqquutsitsineq	2021
Oqartussaasut akiliutissanik akileeqqusissutaat pillugit malittarisassanik eqquutsitsineq	Pisariaqanngilaq
Tapiissutit pillugit malittarisassanik eqquutsitsineq	Pisariaqanngilaq
Nuussinernik pisinnaatitsissuteqartunut aalajangersakkanik imalinnik eqquutsitsineq	Pisariaqanngilaq
SOR 6 – Inatsisit atuutsinneqarnerannik kukkundersiueq (suliassaqarfiit naapertuuttut allat)	
Aningaasaliissuteqarnermik malittarisassanik, attartornermi malittarisassanik il.il. eqquutsitsineq.	2021

Sammasanik naapertuuttunik nakkutilliilluta misissuinit sinit maluginiakkavut ataani allaaserineqarput. Sammasat arlallit ataatsikkut suliarineqarput, inatsisit atuutsinneqarnerannik aamma ingerlatsineramik kukkunersiuinermi iliuuserisat arlallit imminnut qalleraannerat pissutigalugu.

4.1.1. Pisiniartarnermik ingerlatsineq + pisortat pisiniartarnerannik aqutsineq

Siunertaavoq nalilissallugu, Nukissiorfiit suleriaatsinik aamma nammineq nakkutilliinernik naleq-quttunik aaqqissuussisimanersoq, pisortat pisiniartarneranni najoqqutassanik Nukissiorfiit malinninneranut qulakkeerinnissutaasunik.

Nukissiorfiit suli pisiniartarnermut politikimik aamma neqerooruteqartitsineramik siunnerfimmik pilersaarusernermik suliamik ingerlatsivoq, taakkua pisiniartarnermik ingerlatsivimmi sipaarniarinnaanermut tapertaassapput aamma neqerooruteqartitsineramik inatsimmik eqquutsitsillutik. Taassuma saniatigut suli sinaakkutissatut isumaqatigiissutit atorneqarput amerlasuunik pisinermi sipaarutaasinnaasunik aamma suleqatigiinnermi iluaqutissanik pissarsisinnaajumalluni, tassunga atasumik pisiassatut qinnutini iluaqutissat atorneqartarnerat qulakkeerineqartarput, soorlu 2021-mi pilersaarutigineqartoq pisiniartarnermik suliaasaqarfiup pitsanngorsarneranik suliaq najukkani atuartsineramik sanilerisamillu ilinniartsinikkut nangeqqinneqassasoq.

Taamaattumik isumaqarpuqut periutsit tamakkiisumik atorneqartut pisiniartarnerup illersorneqarsinnaasumik aqunneqarneranut tapertaasut, aamma paasivarput politikkit eqquutsinneqartut.

4.1.2. Akissarsianut aamma atorfilinnut aaqqissuussat

Inatsisit atuutsinneqarnerannik suliaasaqarfimmi kukkunersiuinermi siunertaavoq, akissarsiatut tunniussani inatsisinik malittarinnginnernik malunnaatilinnik paasineqarsimanngitsunillu (tassa kukkunernik malunnaatilinnik) pisoqarsimasinnaaneranut qaffasissumik pitsaassusilimmik qulaarsineq.

Saniatigut nalinerneqassaaq Nukissiorfiit suliaasaqarfimmik inatsisitigut pisussaaffiit naapertorlugit ingerlatsinersut, ilanngullugu pilersaarusiukkanik iliuusissaqartarnek, taamaaliorluni qulakkeerineqaqullugu, akissarsiat ilaat nikerarsinnaasut akuerineqartartut aamma periutsit nalinginnaasut malinninneqartut.

Akissarsianut- aamma atorfilinnut aaqqissuussanik kukkunersiuinermi ingerlatseriaatsit tulluuttut nakkutilliiffineqarput:

1. Akissarsialerisummi akissarsiassat qaffasissusissaattut nalunaarsukkat isumaqatigiissutit naapertorlugit akissarsiarineqartussanut malinnaatinneqartuarnannik suliart.
2. Sulisunik nutaanik atorfinitsitsineq aamma ilitsersuineq, ilanngullugu atorfimmut uppersaaneq, ilinniarsimaneq aamma isumaqatigiissut atorneqartoq, kiisalu atorfeqarsimanerup sivirususianut uppersaasatit piginnaassutsinullu tapisassat.

3. Akissarsianik nikerartunik allaffissornermik ingerlatsineq, ilanngullugit qaangiuttoornerit, ataasiartamik akissaatersuutit, tapit suliamut tunngasut, akunnermusiat il.il.
4. Pisortatut oqartussaaffeqartunut nalunaarutiginninnerit kiisalu piffissaq eqqorlugu aningaasanik tunniunneqanngitsunik tunniussuineq.
5. Soraartoqarnerani suliassat, ilanngullugit akissarsianik piffissaatillugu unitsitsineq kiisalu soraarnermut tunngasunik allaffissornermik ingerlatsineq.

Uagut naliliivugut ingerlatseriaatsit aaqjissuussat nassataannik akissarsianik suliassaqarfimmik allaffissornermik ingerlatsineq illersorneqarsinnaasoq. Taassuma ataani akissarsiat allagartaannik misissugassanik tiguisarluni nakkutilliinermik ingerlatsisoqartartoq.

Naliliivugut Nukissiorfiit nalinginnaasumik suleriaatsinik pilersitsisimasoq akissarsiat inatsisit, isumaqatigiissutit aamma peqqussutit atuuttut (suliamik ingerlatsinerpiaq) naapertorlugit ingerlatsisut.

Innersuussut

Taamaattoq uagut naliliivugut, pitsaassutsimik qulakkeerinnineq nukittorsarneqarsinnaasoq, sulisunut mappini uppersaatit tamakkierneruppata aamma ataavannerusumik aqutsisunit nakkutilliiffigineqarlutik uppersarneqartarpata – assersuutigalugu sulisut pillugit sulianik nutaanik tiguisarluni misissuisoqartarpata, atorfinitsitsinerit ilusaat aamma uppersaanissamat piumasaqaa-tit pigineqarnerat qulaakkeerniarlugit.

Sulianik ataasiakkaanik nakkutilliinermut atasumik paasivarput, suliffimmik sungiusartunut akissarsianik aamma qaangiuttoornerisutut akiliuteqartoqartarneranut atasumik akigititat nalunaarsuiffianni akigititat nutartikkat pigineqanngitsut. Pissutsit taakkua akissarsialeriffillu oqaloqatigiissutigineqarput, akigititat nutarterneqarnerat tassannga isumagineqarpoq. Taakkua ilisimatitsipput akigititat nutarterneqannginnerat kukkunerusoq.

Innersuussut

Suliffeqarfimmit ilisimatitsipput akissarsianik aqutsissummi akissarsiassat qaffasissusissaasa nalunaarsorneqarfianni allannguutissat nakkutilliiffigineqartartut.

Nakkutillineq taanna uppersaateqanngilaq. Innersuussutigissavarput nakkutillineq siunissami uppersarneqartassasoq.

4.1.3. Nioqqutissanik kiffartuussinernillu tunisaqarneq (Innaallagissamik, imermik kiassarermillu pilersuineq)

Tunisaqarneq pillugu inatsisit atuutsinneqarnerannik kukkunersuineq tassaavoq, tunisaqarneq pillugu najoqqutassat aamma akigititat politikikkut aalajangiussanut tunngasuni nikingasoorutininik pingaarutilinnik aamma paasineqanngitsoorsimasunik peqarsinnaaneranut isumannaallisaaneq qaffasissumik pitsaassusilik.

Paasivarput Nukissiorfiit tunisaqarnermi najoqqutassat politikikkut aalajangiussat naapertorlugit ingerlatsisoq, tassunga ilanngullugu akigititat inatsisitigut aalajangersakkat tunngavigalugit akiligassiisartoq.

2022-mi Nukissiorfinnit malugineqarpoq aalisarnermik akigititatut taaneqartartut naatsorsorneqarneranni kukkuneqarsimagunartoq.

Piffissami kukkunersuisut nalunaarutaannik suliaqarnerup naammassineqarnerata nalaani, suli erseqqissumik qulaarneqarsimangilaq taassuma 2022-mi ukiumoortumik naatsorsuutitut kingunerisinnaasai.

2017 aallarnerfigalugu agguaassinermik naatsorsuutit akigititanik inissiinermut tunngavigineqartartut Deloittemit kukkunersiorneqartalerput. Assigiimmik akeqartitsinerup eqqunneqarnerani naalakkersuisoqarfimmit nalilerneqarpoq, taakkuninnga immikkut kukkunersuininnaq naapertuukkunnaartoq.

Taassuma kingunerisaanik aalajangiunneqarpoq, agguaassinermi naatsorsuutit kukkunersiorneqartarnerannik eqqusseqqittoqassasoq, aamma 2021-mi ukiumoortumik naatsorsuutit kukkunersuinermit atasumik agguaassinermut naatsorsuutit 2018-2021 kukkunersiorneqarnerannik ingerlatsivugut.

Taakkuninnga kukkunersuininitsinni maluginiarparput nalunaarummi pineqartumut nikingassut ataasisoq. Tassani pigiunnaakkatut naatsorsukkat nalikillinerat eqqarsaatiginagit naatsorsuuserinermik ingerlatsiffigineqartarput. Nalunaarummi pineqarpoq, ukiumoortumik pigiunnaakkat-aamma nalikillinerit katinnerat naatsorsuuserinermi atorneqartussaasut.

Ilisimaaralugu aalajangiussat pineqarput, aalisarnermik akigititatut taaneqartartut naatsorsuuseriffigineqarneranni tunngavissaq aalaakkaanusooq eqqornerusorlu pissarsiariumallugit. Nikingassutit pingaaruteqarnerat pillugu isumaqatigiittoqarpat taakkuninnga malittarisassat naleqqussarneqarnissaat sukkanerpaamik isumagineqartariaqarpoq, malittarisassat aamma periutsit atorneqartorpiap akornanni naapertuuttumik ingerlatsisoqaqqullugu.

4.1.4. Tapiissutit pillugit malittarisassanik, attartorneq pillugu nalunaarut il.il. eqquutsitsineq

Kiffartuussinissamut isumaqatigiissutit atorlugit tapiissutinik pissarsisoqartarpoq. Taakkua tiguneqartarput assigiimmik akeqartitsinermik politikkip sunniutaanut akiliutitut aamma taamaattumik sanaartornermut tapiissutitut assingusumik tunniunneqartarlutik, taamaattumillu sanaartornermik pigisat ukiumoortumik kukkunersiorneqarnerannut atasumik

nakkutilliffigineqartarput, soorluttaaq kaaviiartitani eqqortumik naatsorsuuseriffigineqarnerat nakkutilliffigineqartartoq.

Malugaarput Nukissiorfiit tapiissutitut tigusaminnik malittarisassat inatsisillu atuuttut naapertorlugit passussisartut.

5. Ingerlatsinermik kukkuner-siueq

Ingerlatsinermik kukkuner-siueq misilerarneqartarpoq ingerlatsineq aningaasaqarnikkut isumatusaarluni ingerlanneqarsimanera.

Pisortat kukkuner-siueqarneqannut najoqqutassat, SOR, naapertorlugu pisussaaffinnik kukkuner-siueq ingerlanneqarsinnaavoq kukkuner-siueqartussat kaaviiartumik pilersaarusiarneqarsimanerat naapertorlugu, taamaaliornikkut kukkuner-siueqartussat pisussaaffittallit ukiut 5 qaangiukkaangata misissorneqartarput.

Aarlerinaatinik aamma pingaarutilinnik naliliinerput tunngavigalugu kukkuner-siueqartartussat kaaviiartussanut pilersaarummik tulliuuttumik suliaqarpugut:

SOR 7 – Ingerlatsinermik kukkuner-siueq	Kingullermik misiliiffiqeqarpoq
Sulianik- aamma nukissanik aqutsineq	2021
Anguniakkanik - aamma angusanik aqutsineq	2021
Pisiniartarnermik aqutsineq	2021
Ukiuni arlalinni aningaasaliiffiqeqartussat suliniutit missingersuutaannik aqutsineq	Ilutsimik nutaamik 2021-mi atugaqalernerup kingorna ingerlanneqassaaq
Pisortat tapiissutitut aqqissuusaannik aqutsineq	Pisariaqanngilaq

5.1. Ingerlatsinermik kukkuniuinermit immikkoortut pingaarutillit

5.1.1. Sulianik- aamma nukissanik aqutsineq kiisalu Anguniakkanik- aamma angusanik aqutsineq

Siunertaavoq nalilissallugu, Nukissiorfiit suleriaatsinik aamma nammineq nakkutilliinernik naleqquttunik pilersitsisimanersoq, taakkua qulakkeerinnissutaassapput, sulianik- aamma nukissanik aqutsinermut tunngasumik, aqutsisut paasissutissanik naammattunik aamma uppersassuseqartunik piffissaq eqqorlugu aalajangiinernik tunngavilersorluakkanik aalajangiinissaminut atugassaannut, kiisalu anguniakkanik- aamma angusanik nalunaarutiginninnermut naleqquttumik suliaqarnermut tapertaasunik.

Suliffeqarfiup sulianik- aamma nukissanik aqutsinerata ataani aningaasaqarnermik aqutsineq nakkutilliiffigaarput, ilanngullugu missingersuusiorneq aamma missingersuutitik malitseqartitsineq. Ingerlatsiviup nammineq nakkutilliinera tamakkiisoq aamma nakkutilliiffigaarput.

Nukissiorfiit aningaasaqarnermik aqutsinerata nakkutilliffigineqarnerani paasivarput, nunap immikkoortuinut, nunaqarfinnut, immikkoortortanut il.il. missingersuutitik imaqarluartunik suliaqartoqar-tartoq, aamma qaammatikkuutaartumik missingersuutitik malitseqartitsinneqarnerat ingerlanneqar-tartut, missingersuutitik aamma nikingassutitik akornanni nikingassutitik malitseqartiffigineqartarlutik, taakkua aqutsisunit misissorneqartarput, missingersuutitik malitseqartinneqarnerat taanna Nammi-nersorlutik Oqartussanut nalunaarutiginninnermut ilanngunneqartinnagu, Namminersorlutik Oqar-tussat taamaalillutik tassaagamik Nukissiorfinni aningaasaqarnermik- aamma angusanik aqutsi-nerannik nakkutilliisut.

5.1.2. Ukiuni arlalinni aningaasaliiffigisatut suliniutit missingersuutaannik aqutsineq

Kukkuniuinermit siunertaavoq suliniutitik siviisunerisut missingersuutaasa aqunneqarnerannik qulakkeerinnineq, Nukissiorfiit sanaartornermik suliassaqarfimmut suleriaatsinik naleqquttunik atuutsitsinera, taamaalilluni sanaartukkatut suliani aningaasartuutitik amerlavallaat imaluunniit pisariaqanngitsut pilersinnaanerannut aarlerinaatinik naaperiaaneq.

Immikkoortoq taanna 2021-mi immikkut misissunngilarput, kisianni uagut suli ima paasinnittaaseqarput, suliniutitik aningaasaqarnerat ingerlaavartumik nakkutigineqartoq suliniutinut ataasiakkaanut tamanut immikkut missingersuutitik aqutsisoqarmat, missingersuutitik atukkanut sanilliunneqar-tarput, ilanngullugu suliniutitik killiffiinut tunngatillugu atukkanik assersuussinerit ingerlanneqarlutik. Missingersuutini nikingassutitik, qaangiinerit imaluunniit aningaasaliinerit sanaartornermik suliassa-qarfimmi pisortamut nalunaarutigineqartarput.

Taamaattumik uagut suli ima paasinnittaaseqarput, suliniutinut suleriaatsinik peqartoq aamma taakkua illersorneqarsinnaasunik ingerlanneqartut.

2022-mi pilersaarut nutaaq aatsaat atorineqalissaaq, taamaattumik 2022-mi ukiumoortumik naatsorsuutitik kukkuniuinermit atasumik taanna malitseqartinneqassaaq.

5.1.3. Aningaasaqarnermik aqutsineq

Siunertaavoq nalilissallugu suliffeqarfimmi suleriaatsinik aamma nammineq nakkutilliinernik naleqquttunik pilersitsisoqarsimaneq, sulianik- aamma nukissanik aqutsinermut atasumik aqutsisut naammattunik aamma eqqortunik paasissutissaqarlutik aalajangiinernik tunngavilersorluagaasunik ingerlatsisinnaaneranunut qulakkeerinnissutaasunik.

Kukkunersuinerimi aningaasaqarnermik aqutsinermut suleriaatsit aamma nammineq nakkutilliinerit aqqissuussat misissorneqarput, tassunga ilanngullugit aqutsisunut qullerpaanut nalunaarutiginninnermik ingerlatseriaatsit, aamma taanna nalunaarsukkanik sulianut naapertuuppoq. Misissuinerimi suleriaatsit tunngavigalugit aalajangiinerit, paasissutissatut pissariarinqartunik tunngavillit nalilerneqanngillat.

Nakkutilliineq nalinginnaasumik imannak agguataarneqartarpoq:

- Aqutsinermi tunngavik
- Aqutsinermi ingerlatseriaatsit
- Naliliineq/nalunaarutiginninneq

Tassunga atasumik maluginiarparput ingerlatsivik:

- Missingersuutitut ilusissamik peqartoq (qaammatini 18-ini missingersuutit ingerlaavartut, ilanngullugit teknologiimik sumilluunniit atuutsitsineq)
- Pilersuinerimik pilersaaruserneq ingerlaavartumik aqqissuussaasoq
- Sulisussarsiornermik- aamma pisiniartarnermik ingerlatseriaatsit pilersinneqarsimasut
- Naatsorsuuserinermik ingerlatsivimmik ingerlalluartumik pilersitsisimaneq
- Ingerlatsinerup nakkutilliiffiqarneqanik atuuffimmik ingerlalluartumik pilersitsisimaneq
- Qaammatikkuutaartumik- soorluttaaq kvartalikkaartumik nalunaarusianik ingerlaavartunik suliaqartuarneq
- Naalakkersuisoqarfimmut nalunaarutiginninnernut periuseqarneq, ilanngullugu ataatsimiinnerit imaqarniliorneqarnerat taakkunani ingerlatsiviup aningaasaqarnera pillugu naalakkersuisoqarfiup aamma pisortaqatigiit oqaloqatigiinnerat ersersinneqartarpoq
- Ingerlatsinerup pitsangorsarnerata ilaatut ingerlatsivik paasiniaanernik ingerlatsiuartoq

Nukissiorfiit aningaasaqarnermik aqutsinerata nakkutilliiffiqanerani paasivarput, nunap immikkoortuinut, nunaqarfimmut, immikkoortortanut il.il. missingersuutit erseqqissaatitallit suliarineqartartut.

Missingersuutit malitseqartitsinerit qaammatikkuutaartumik suliarineqartarput missingersuutit aamma piviusut akornanni nikingasoqartillugu malitseqartinneqartunik, taakkua aqutsisunit misissorneqartarput.

Missingersuutiniq malitseqartitsineq taanna naalackersuisoqarfimmut naammassinnilluni nalunaarutiginninnermi ilanngunneqartarpoq, taakkua taamaalillutik Nukissiorfiit-ni aningaasaqarnermik- angusanillu aqutsinermik nakkutilliisarput.

Uagut nalinginnaasumik naliliivugut aaqqissuussat pilersinneqarsimasut (suliffeqarfik, ingerlatseriaatsit, sakkussat il.il.) suliffeqarfiup suliassaminik ineriartornermik pitsanngorsaanermillu ataavartumik suliaqarneranut tapertaasut.

Taamaakkaluartoq qaquguluunniit suliassaqaarfiit arlaat suli pitsanngornerusinnaajuaannarput.

6. Ingerlatsinermik kukkuner-siuinerit anginerusut

2021-mi ingerlatsinermik kukkuner-siuinermik anginerusumik ingerlatsisoqarpoq Nukissiorfiit aningaasaqarnikkut inissisimaneranik naliliiumalluni.

Nalunaarusiap immikkoortua 1, 2021-mi oktoberip qaammataani tunniunneqarpoq.

Nalunaarusiap immikkoortua 2, missingersuutit aningaasaqarnerisa/aningaasatigut atorsinnaasat paasinarneqarnerat piffissami matumani kukkuner-siuisut oqaaseqaataannik suliaqarnerup nalaani suli naammassineqanngilaq.

7. Paasisutissat allat

Uagut kiffaanngissuseqarnerput tunngaviusumik aalajangiisuvoq avatangiisitsinnit kukkunersiuisutut arlaannut pituttorsimanngitsutut sulinitta tatigineqarnerannut. Taamaattumik tamanna illersugaraarput – inuttut aamma sulianut tunngatillugu.

Uagut ingerlatseriaatsitta qularnaarpaa kukkunersiuisoqatigiit suliffeqarfimmi kukkunersiuukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa suliffeqarfik kukkunersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilanngullugu imminut kukkunersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat suliarisavut ilisimatitsissutigaagut.

• **Suliffeqarfimmut suliassat allat**

Ulloq apriliip 20-at 2021 kukkunersiuisutut oqaaseqaammik tunniussinitta kingorna suliffeqarsimmut suliassat tulliuuttut ingerlappavut:

- Internetti atorlugu saassunneqarsinnaanermut isumannaallisaanermut ikiuunneq aamma allaffissornermik ingerlatsinermut robotnik pilersitseqataaneq.
- Assigiinngitsunik ingerlaavartumik siunnersuinerit allat

8. Atsiornerit

Inatsisit naapertorlugit matumuuna uppenarsaatigissavarput inatsisini piумаqataasutut kiffaanngissuseqartuunerput, aamma kukkunersiuinerup ingerlanerani paasissutissat qinnutigisimasinnaasavut tamaasa pissarsiarigatsigik.

Nuuk, 11.05.2022

Deloitte

Statsautoriseret Revisionspartnerselskab



Bo Colbe

Kukkunersiusioq naalagaaffimmit akuerisaasoq



Per Timmermann

Kukkunersiusioq naalagaaffimmit akuerisaasoq

11.05.2022, ataatsimiinnermi saqqummiunneqartoq

Atuutsinneqartoq



Mette Skarregaard Pedersen

Naalackersuisoqarfimmi pisortaq



Cicilie Senderovitz

Nukissiuteqarnermi pisortaq

Om Deloitte

Deloitte leverer ydelser inden for Revision, Skat, Consulting og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 325.000 medarbejdere arbejder målrettet efter at sætte den højeste standard.

Deloitte Touche Tohmatsu Limited

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til www.deloitte.com/about for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.